

Yayasan Sultan Ibrahim-Bank Rakyat Kerjasama Sedia Pembiayaan Mudah Beli Rumah Mampu Milik

JOHOR BAHRU: Bank Rakyat menyediakan kemudahan pembiayaan sebanyak RM500 juta bagi mereka yang berminat memiliki rumah kos rendah dan rumah mampu milik di Johor.

Pengerusi Bank Rakyat Tan Sri Abdul Aziz Zainal berkata, penawaran kemudahan pembiayaan 100 peratus itu dibuka kepada pembeli projek di bawah naungan Yayasan Sultan Ibrahim.

Beliau berkata, menerusi jalinan kerjasama antara Bank Rakyat, Yayasan Sultan Ibrahim dan Kerajaan Negeri, penjawat awam dan swasta yang layak di negeri ini

boleh mengemukakan deposit pembelian serendah RM1 bagi tempahan rumah kos rendah dan mampu milik.

Pembiayaan ini dijangka dapat menampung pembelian sekurang-kurangnya 6,000 unit rumah kos rendah dan mampu milik bagi memastikan golongan berpendapatan rendah dapat memiliki kediaman masing-masing.

Pembiayaan mudah ini diumumkan ketika majlis pelancaran projek pembinaan Menara Bank Rakyat Johor yang disempurnakan Sultan Johor, Sultan Ibrahim Sultan Iskandar baru-baru ini.



Sultan Ibrahim Sultan Iskandar menurunkan tanda tangan baginda pada plak pelancaran Skim Perumahan Mampu Milik Yayasan Sultan Ibrahim.